

世尊所讚歎

時阿育王以十萬金供養阿難塔大臣問言
何故於此最勝供養阿育王答言當聽我說

佛世尊法身 清淨無與等 其能攝受記
故我上供養 其燃佛法炬 除諸煩惱闇
其力故法住 故我上供養 如以牛跡水

不及於大海 阿難智慧水 不及佛智海
於修多羅中 佛與登王位 故我於今日

設最上供養

時阿育王供養已竟生大歡喜禮優波笈多
足而說偈言
我今生人中 不失善業果 以先功德力
得作自在王 以不真實法 獲得於真實
世尊舍利塔 莊嚴於世間 云何修苦行
時阿育王禮優波笈多足還其本國

阿育王經卷第二

寫六

阿育王經卷第三

梁扶南三藏僧伽婆羅譯
供養菩提樹因緣品第三

爾時阿育王於佛生處得道轉法輪入般涅槃於一一處各以十萬金供養於菩提樹倍生信樂作是思惟此是世尊得阿耨多羅三

寫六

願三菩提處日日之中最勝珍寶供養此樹

是時阿育王第一夫人名微沙落起多翻光護生瞋恚心大王既愛念我云何以好珍寶與菩提樹即喚旃陀利女姓而語言菩提樹是我怨汝能殺不荅言能波當與我金夫人

語言如是時旃陀利女即便呪樹以綻縛之

是菩提樹漸漸枯死有人白王是菩提樹漸漸枯死而說偈言
佛坐菩提樹 知一切世間 得一切種智

此樹今日死

時王聞是語已悶絕躋地諸臣以水灑王良久乃醒即便啼泣而說偈言

我見此樹王 即是見如來 樹王若枯死
我命亦隨滅

時彼夫人見王憂惱便白王言若我不能令
菩提樹生者我亦不能令王歡喜王答言汝
若能令菩提樹生者汝非女人何以故佛住
此處得阿耨多羅三藐三菩提是時夫人喚

旃陀利女而語言汝能令樹更生如其先不
答言若菩提樹其根不死能令更生乃至旃
陀利女除所縛綻周匝掘坑日日以千隻乳
灌之坑中少日之間樹漸還生遂得如本時
人白王王於今者大生功德菩提之樹今得
生故王聞此言心大歡喜即便往至菩提樹
間瞻菩提樹目不能捨而說偈言

從於瓶沙王 及諸餘國王 無上二因緣
悉所不能作 當於菩提樹 灌以香色乳
復常修供養 聖衆五部僧
時阿育王以千金銀琉璃瓈盛以香水復持
種種飲食及香花等千隻香水浴菩提樹以

種種綠衣而以衣之王於是時復受八戒受
八戒竟手執香爐而登殿上請四方僧說言
世尊弟子在四方者爲攝受我故悉應來此
而說偈言

正行善逝子 天人所歸依

寫六

根寂靜離欲 應供大福田

寂勝善逝子 行禪離愛着
十二

阿修羅所依 大林及暗林
如來子樂禪 當來作慈悲

當來攝受我 於罽賓國處
有諸阿羅漢 當來攝受我

住阿耨達池 及江山石窟
善言如來子 住舍利沙殿
當來攝受我 大勇之神力

住於香醉山 我請阿羅漢 當悉來此處

時阿育王說此言已有三十萬比丘和合阿
羅漢十萬學人二十萬及精進凡夫無數於
衆僧中上座一處無有人坐時阿育王白六
通上座耶舍言第一坐處何故無人答言此
是第一上座之處王又白言除大德外更有
上座耶答言有佛說弟子中有能師子吼此

爲第一姓頗羅墮名賓頭盧第一坐處是其所坐時阿育王聞其此言身毛爲豎如柯曇婆花又說言大德有比丘見佛未入涅槃今猶在者不長老答言有姓頗羅墮名賓頭盧其人見佛王又問言我於今者得見其人不長老答言王尋當見其今應來時王聞已大生歡喜而說偈言

我今得大利 及無比攝受 以得見大德

名曰賓頭盧

時阿育王合掌仰看空中目不暫捨時賓頭盧與無數阿羅漢隨從圍遶如半月形猶若鴈王從空中下於第一處坐是時阿育王見

寫六

十三

頗羅墮賓頭盧來及見十萬比丘皆從座起又見賓頭盧頭鬚皓白額皮眉毛悉垂覆面如縵覺身見已五體投地禮賓頭盧足如大樹倒舌舐其足長跪合掌瞻仰啼泣而說偈言

大地海爲衣 山莊嚴一繖 除怨得此地今我生歡喜 不如於今日 與大德相見

我今見大德 倍生於心念

復次大德見世尊不是時賓頭盧以兩手舉其眉毛視阿育王便說偈言

我數見如來 無等無譬類 有三十二相面如秋滿月 梵音除煩惱 入無諍三昧

阿育王復問大德於何處云何見長老答言大王世尊與五百漏盡阿羅漢隨從最初於王舍城安居是時在此衆中得具足見佛便說偈言

無欲無欲從 摩訶牟尼尊 是時此安居我具足見佛 如汝今見我 如是我見佛復次大王世尊又於舍衛國爲勝外道故現

種種神力作無數化佛相好莊嚴次第而上至阿迦臘吒天我於余時亦在其中見佛種種神變而說偈言

時有諸外道 行種種邪道 世尊以神力六現除伏之 是時我見佛 令世間歡喜

復次大王世尊於三十三天上安居爲母說

法竟與諸天衆圍遠下僧柯奢翻光明國我於
余時在大衆中見諸天衆復見比丘尼名鬱
波羅翻青花槃尼柯翻色見其化作轉輪聖王是
足七寶而說偈言

天上安居竟 佛便從彼下 我時在衆中
是故得見佛

復次大王修摩陀伽不解孤獨女兒請佛及
五百阿羅漢佛以神力至分陀跋陀國不解
我以神力舉山從虛空中亦至彼國是時如
來戒勑於我汝不得八涅槃至我法住而說
偈言

修摩陀伽翻請 佛神力至彼 我以力舉山
隨至分陀國 是時佛戒勑 令我至法住
以是因緣故 得具足見佛

復次大王汝先小時以小兒意佛入王舍城
乞食我奉佛麺汝奉佛沙成護余時起隨喜
心如佛所記此小兒於我涅槃百年後當生
波吒利弗多城名阿輸柯爲四分轉輪主領

法王當廣供養舍利起八万四千法王塔我
於是時亦在其中而說偈言
王昔爲小兒 合掌以沙施 我亦於是時
具足見此事

阿育王復問賓頭盧大德何處住以偈答言
北方阿耨池 於香醉山中 我住於彼處

及諸同學衆

阿育王復問賓頭盧大德幾人隨從以偈答言
六万阿羅漢 圍遠隨於我 我及諸大衆
悉盡煩惱毒

復次大王何事此疑當速施僧食衆僧食竟
當更共語王答言余如大德教以念佛教我

當觀菩提樹觀菩提樹竟當與僧食以種種
飲食當以供養時阿育王語比丘名一切友
我當施僧十萬金及一千金銀瑠璃瓔於大
衆中當說我名供養五部僧時阿育王兒名
鳩那羅鳥名不住王右邊是時王子畏其父
故不敢發言便舉二指示唱導比丘表其修

寫六

福倍多其父時大衆見鳩那羅一倍作福悉皆大笑時王見大衆笑語大臣成護汝所作非是故人笑成護答言多人欲作功德若作功德必以一倍是爲正當阿育王答言我當

以三十萬金供養衆僧以三千寶毬盛以香

水灌菩提樹當以我名在大衆說供養五衆

乃至鳩那羅復舉四指以示比丘時大王瞋語成護大臣我修功德誰今與我而欲諍作不識世法成護見大王瞋禮大王足誰敢與王諍作功德而說偈言

誰敢與王 諍修功德 是拘摩羅 與王諍作

是時阿育王轉身右邊見拘摩羅王子向賓

頭盧說言大德我今唯除七寶庫藏一切大
地宮人大臣并以我身及鳩那羅悉施衆僧
當以我名在大衆說供養五衆復說偈言
一切宮內 唯除珍寶 宮人大臣 悉施衆僧
大衆之僧 爲福田處 我及王子 具足功德
是時阿育王於賓頭盧等大衆中布施竟於

菩提樹周匝起牆時阿育王自登牆上以四
千甕盛以香水灌菩提樹其菩提樹還生如
本而說偈言

已灌菩提樹 善提樹還生 枝葉極茂盛
功德亦增長

大王觀菩提樹竟還生如本枝葉青軟新芽
更出王及大臣一切人民心大歡喜復以飲
食供養衆僧於大衆中有一大德名耶舍語
王言今此大衆實可愛重王今供養勿起異
心時阿育王自手行食從上座爲始盡於一
衆於衆僧末有二沙弥以趁相全歡喜九等
共戲相擲阿育王見笑而思惟此二沙弥爲
小兒戲乃至阿育王復往上座所次第行食
至耶舍所時大德耶舍復語王言大王於衆
僧中不得起不信心王答言爾復白上座耶
舍言有二沙弥以趁等相戲耶舍答言此二
沙弥其心解脫及慧解脫皆阿羅漢王聞是
已心大歡喜復生心言我已供養衆僧復覓

好衣施二沙弥時二沙弥即知王意便現功德之力一沙弥化作鐵器以置其前一沙弥化作捷陀水等王見問曰用此何爲答言大王我見王心供養僧竟別施我衣我欲染之時王聞已即便生意我本在心未發言說云何此人已知我心即以五體投地敬禮其足

向二沙弥而說偈言

我孔雀大王 及大臣人民 功德我已作一切得大利 精進處生信 可施我已施乃至阿育王語二沙弥我以汝故於一切僧悉施三衣時阿育王於五衆中已作功德復於一人悉施三衣又以四十萬金布施衆僧復以無數金銀贖此大地宮人大臣并以我身及拘那羅毗多輸柯因緣

是時阿育王於佛法生大信心起八万四千塔已作五衆大會以飲食供養有三十万阿羅漢學人一倍精進凡夫無數阿育王倍生

信心時阿育王弟毗多輸柯信外道法言釋迦牟尼弟子無有解脫何以故常樂樂行畏苦行故乃至阿育王語其弟言汝於非處莫起信心於佛法處當生信心時阿育王於異時中欲爲捕獵阿育王弟於彼山中見一仙人五熱^多身其於苦道而起實意往其所札

寫六

十七

其足說言大德住此幾時仙人答言經十二年復更問言汝食何食答言常食樹木菓根復問汝衣何衣答言結茅爲衣復問則處云何答言以草鋪地又問汝因何事而起煩惱答言見鹿行欲起我欲心以欲心火燒於我心時阿育王弟心便生疑如此苦行尚起欲心佛之弟子常修樂行云何見欲而不起心既起欲心何得於欲而起厭離即說偈言

仙人住苦林 食樹花果根 服氣除穢食不能滅欲愛 釋迦牟尼子 食酥酪乳味於種種衣服 悉皆不能捨 若伏諸根者頻陀山能浮

阿育王弟復更說言釋迦弟子誰阿育王令作功德時阿育王聞其此言即設方便語大臣言我弟於外道生信當以方便令其得入佛法時大臣答阿育王言大王云何教我所作王語大臣我今欲洗入彼浴室應脫天冠及衣服等汝當以我服飾莊嚴我弟令登王座臣答言亦及至阿育王將入浴室脫莊嚴具入浴室已是時大臣語阿育王弟若無阿育汝當作王是故今者試着天冠被天衣服及登王座大臣語已即便與着令登王座時大臣即白阿育王言王所勅使臣已作竟阿育王出觀其弟着天冠及登王座而語言我今未滅汝已作王阿育王瞋即命行殺之人身着青衣被髮執鈴至已禮王白言今者欲何所作王語言我捨此弟汝可煞之王語已竟便有多人執諸器仗而圍遶之是時大臣禮阿育王足而白王言此是王弟願王忍辱莫起瞋心時阿育王答大臣言我當忍辱至

於七日爲我弟故於七日中暫與其國令其作王種種伎樂及諸采女以供給之一切目民皆往問訊行殺之人執刀門立日日白王今一日已過餘六日在如是乃至六日已過餘一日在至第七日王莊嚴具天冠衣服還阿育王大臣諸人將毗多輸柯共往問訊阿育大王時王問言汝七日爲王種種伎樂好聞見不弟以偈答

寫六

大

若人見色 及聞音聲 食種種味 此能答王王復語言我與汝國七日爲王百種伎樂皆恣汝意無數衆人日日問訊況願於汝云何而言不見不聞不得好味復以偈答

我於七日中 不見不聞聲 不嗅不嘗味亦不覺諸觸 我身莊嚴具 及諸采女等思惟懼死故 不知如此事 伎女歌舞聲宮殿及卧具 大地諸珍寶 初無懼喜心以見行殺者 執刀在門立 又聞搖鈴聲死機釘我心 不知妙五欲

既着畏死病 不得安隱眠 思惟死將至

不覺夜已過

是時阿育王語其弟言毗多輸柯汝於一日中思惟死苦雖得上妙五欲而不生愛出家比丘於十二入思惟無量生死無常云何而得起煩惱耶又復思惟地獄之苦及諸畜生

更相殘害餓鬼飢渴衆苦所逼思惟人中四方馳求初無安樂思惟天上壞敗之苦如是五道身心之苦無有樂處觀此五陰無常苦空無我不實譬言如空村無有居民如是五陰皆空無我以無常火燒諸世間佛諸弟子常作此觀云何而得起煩惱耶復說偈言

寫六

十九

汝於一日中 思量生死畏 而無有歡喜
不起貪愛心 佛諸弟子等 日日觀生死
云何生懽喜 而起煩惱心 於飲食衣服
及以卧具等 思惟解脫法 而不起着心
觀身如冤家 三有如火宅 思惟何方便
而得解脫之 深樂解脫法 不貪於五欲

其心如蓮花 處水而不着

時阿育王以善方便佛法教化毗多輸柯時
毗多輸柯合掌向王而說言大王我於今者
歸依如來及以法僧而說偈言

我今歸依佛 佛面如蓮華 天人所歸依
無漏法及僧

時阿育王以兩手抱其弟頸而語言我不捨
汝為欲令汝信佛法故是故為汝現此方便
時毗多輸柯以種種花香及諸伎樂供養佛
塔以種種飲食供養衆僧復往雞寺耶舍上
座六通羅漢所至已對耶舍坐為欲聞法時
耶舍以神通力見其前世已造善業今於此
生是最後身得阿羅漢為其說法讚歎出家
既得聞法便樂出家即起合掌白耶舍言善
說法律我得出家受具足不於佛法中欲修
梵行耶舍答言善男子汝可還白阿育王聽
出家不時毗多輸柯即還阿育王處至已合
掌白言大王念當聽我出家我於佛法欲修

尼行復說偈言

我心亂不住 猶如象無鈞
勿制我出家 王爲地中王 當聽我出家
佛作世間光 今欲修其行

阿育王聞其言手抱其頸悲泣落淚而語言
毗多輸柯勿作此意何以故出家之人形服
鹿弊飲食假人眠卧樹下汝今制心勿欲出
家毗多輸柯答言大王我於今者不爲瞋故
而欲出家亦不爲貪欲不爲貧苦亦不爲脫
怨家但見世間種種諸苦生死相隨無有脫
處惟見佛法正路能脫生死終無所畏是故
我今樂欲出家阿育王聞之更增悲泣時毗

寫六

二十

多輸柯復說偈言

生死爲懸繩 有人則恒動 在上必復墮
和合必分離

時阿育王復語之言汝當先置乞食然後乃
得出家時王後園有一大樹以草布地令住
其下與一瓦鉢令入宮乞食毗多輸柯即便

寫六

北一

持鉢行入宮內種種上食而便得之時阿育
王瞋言內人汝於今者云何乃與乞者上食
從今已去當以鹿食施之乃至以麥爲飯經
宿臭壞乃可施與時毗多輸柯得而食之不
以爲惡阿育王見而語之言汝今勿食此食
聽汝出家出家之後恒來見我乃至毗多輸
柯往至雞寺至已思惟我若於此出家人物
亂我不得修道當於遠處而出家也便往毗
提國於彼出家思惟精進得阿羅漢果是時
長老毗多輸柯得阿羅漢已受解脫樂復思
惟言昔與王約出家之後常來見王我於今
者應滿本約乃至次第行至波吒利弗多國
是時長老毗多輸柯早起着衣持鉢入國乞
食次弟行至阿育王城語門人言汝入白王
云毗多輸柯今在門外欲見大王時守門人
即入白王今毗多輸柯至欲見大王時阿育
王而語之言汝可將入令至宮中毗多輸柯
即便入宮阿育王見即從座起爲其作禮如

大樹倒起而合掌視之無狀悲泣而言

一切諸衆生 當樂於和合 汝今除和合
而味寂靜心 我今知汝心 以慧無狀足
時阿育大臣名曰善護見毗多輸柯着糞掃
衣執持瓦鉢次第乞食鹿好俱受心無分別
見已白阿育王言毗多輸柯少欲知足所作

已辦王當生懽喜心 何以故

常行乞食着糞掃衣 住於樹下 心常在定
心廣無漏 其體無病 正命自活 常生懽喜

時阿育王聞是語已心大歡喜便說偈言
捨於孔雀姓 及摩伽陀國 種種諸珍寶
上妙之五欲 樂於四聖種 除憍慢煩惱

行於大精進 名聞顯我國 最勝十力法
而汝能受持

時阿育王以手捧之置好座上種種飲食自
手與之食竟洗鉢置之一處阿育大王於其
前坐聽其說法是時毗多輸柯爲王說法而
說偈言

王今得自在 當修不放逸 三寶甚難值

王應勤供養

時阿育王與五百大臣及國人民以自園選
合掌恭敬送毗多輸柯大臣人民而說偈言
大兄阿育王 今恭敬送弟 出家有勝果
於今爲現證

是時長老毗多輸柯欲顯其功德身昇虛空

一切人民皆見其去時阿育王與諸大眾合
掌觀之目不暫捨復說偈言

無復親友愛 如鳥飛虛空 我以貪愛鎖
不能自在去 禪定有勝果 於身得自在
隨意之所行 一切無罣礙 爲欲愛所盲

不能見此法 汝今以神力 輕我起欲愛
我本有慧慢 今汝爲最勝 我等着世法

見聖始知畏 今我等啼泣 由汝今捨我
時長老毗多輸柯往至邊地至已得病以病
重故頭皆發瘡時王聞之即遣給事醫藥療
治後得小瘥醫師給事悉遣令還其體所資

寫六

九二

惟食牛乳爲乞食故往多牛處復有一國名分那婆陀那增長翻正彼國一切信受外道復有一人受外道法事裸形神盡作如來禮其神足有一佛弟子見此事白阿育王王時間已語駁將來阿育所領於虛空中半由旬上一切夜叉悉繫屬王地下一由旬一切諸龍悉

繫屬王是時夜叉聞王語已於一念頃即將外道弟子并盡像來時阿育王見已生大瞋心於分那婆陀那國一切外道悉皆殺之於一日中殺十萬八千外道復有一外道弟子受外道法事裸形神盡作如來禮其神足時阿育王復聞是事即勑餘人令取此人及其親屬置一屋中以火焚之時王復勑若有人能得一尼捷首者我當與其金錢一枚是時長老毗多輸柯入養牛處一日停住毗多輸柯病來多日頭鬚髮爪悉皆長利衣服弊惡無有光色時養牛女竊生是念今此尼捷來入我舍便語其夫汝當殺此尼捷取頭與阿

育王必當得金其夫聞已即便拔刀往毗多輸柯所欲斬其頭時此長老即自思惟見其所欲求覓金王即觀之見其頭髮皎奪心中生疑即問其醫師及給事人時醫師給事人即白王言此是毗多輸柯頭王聞是已悶絕

寫六九三

躋地以水灑之良久乃起時有大臣白王無漏之人不滅此苦大王當施衆生無畏乃至阿育即隨其言宣令一切不得復殺尼捷時諸比丘生疑問優波笈多毗多輸柯昔造何業今受此報爲人所殺優波笈多答言長老當聽過去世時有一獵師多殺群鹿於大林中有泉水時此獵師張施羅網以其繩罥置於水邊日日之中多殺諸鹿是時佛未出世有一緣覺於水邊食竟深洗還樹下坐時彼羣鹿聞緣覺香不住水邊時獵師至不見鹿來即尋其迹往辟支佛所見已作是念言坐是人故令鹿不來即便以刀殺辟支佛

長老當知昔獵師者即是毗多輸柯以其日

使史繩胃下公如反

共四末

日多殺諸鹿是故今者多諸病苦復以昔殺
辟支佛故以此業緣於無數年常在地獄受
諸苦報於五百世在人道中生生之處常爲
他殺今是最後果報雖得羅漢猶爲他害諸
比丘後問優波笈多此人云何復生大姓又

得阿羅漢果優波笈多答言先於迦葉佛法

出家樂行布施常教檀越種種飲食供養衆

僧有一佛髮瓜塔以香花幡蓋種種伎樂而
供養之以是業報生於大姓十萬年中常修
梵行復發正願以是業緣得阿羅漢

二卷共一冊

阿育王經卷第四

阿育王經卷第五

阿育王經卷第六

鳩那羅因緣第四

梁扶南三藏僧伽婆羅譯

寫七

楊

阿育王經卷第三
寫六
陶師上音桃燒
瓦之匠也那嚧下丁舌舐
可反嵐毗上
胡蹕地乳糜碑文醍醐精乳也
二音帝縗縛上
益反綻縛上
字衣上
去聲之下文汝衣亦著也同髻於耕也
類麁尺小反乾櫞丁字去声金其月反下
裸形上玄瓦反魯果魯果反駭奪上必角駭
疾也

是時阿育王於一日中起八万四十塔於是
日中王夫人名鉢摩婆底翻有芙蓉花生一男兒
形色端正眼爲第一一切人見無不愛樂時
有內人即白大王王有功德夫人生見王聞
歡喜而說偈言

我於今日大生歡喜我孔雀姓名聞一切